

萬城隄防輯要 卷下

地7-8
2763
:2



萬城堤防輯要卷下

大堤章程

無規矩則不能成方圓無準繩則不能昭平直立一定不易之範圍始克有所遵守此規定大堤章程之所由來也曰總綱曰編制示提挈要領之意也曰職守曰考成示綜覈名實之意也曰委任杜倖進也曰經費儲工用也曰歲修曰防護明宣防之有專責也綱舉目張卒然畢具輯而刊之或亦治斯隄者之藍本也已

第一章 總綱

萬城隄防輯要

卷下

大堤章程

一

第一條 萬城大堤舊屬荊州府辦理故名荊州萬城堤但堤身所在純屬江陵且土費由江陵一縣負擔故定名曰江陵萬城大堤

第二條 萬城大隄之隄線上自堆金台起至橫隄止共二十七工謂之官工分爲萬城李家埠江神廟沙市四局下自阮家灣至拖茅埠止共四十工謂之民工分爲登南馬家寨郝穴金果寺拖茅埠五局綿亘二百一十七里有奇爲江陵及下游各縣之保障關係至爲重要

第三條 此隄向歸荊州知府承修所有堤工一切事宜悉

假手書吏以至侵蝕剋扣百弊叢生民國之後改爲官紳
合辦特設總局於沙市另委專員辦理俾從前積弊一律
剔除

第二章 編制

第四條 總局以交通便利設於沙市石卡附設沙市分局
至九隄工分局六土費局悉仍其舊

第五條 總局設總理一人協理一人稽查一人文牘一人
收支一人書記一人臨時幫繕一人九堤工分局各設經
理二人石卡設經理一人六土費局各設經理一人其餘

萬城隄防輯要

卷下

大堤章程

一一

隄工算寫丈量生土費執事生隄局傳達差遣雜役局丁
土局催丁雜役各按職務繁簡分別雇用

第六條 堤工總局附設隄工警察署署長由稽查兼任各
分駐警官由各分局經理兼任共設堤警廿二名看守所
丁一名隄警內有十八名由原有隄兵改充其餘職務均
由隄局人員分別兼攝照另案詳定萬城隄工警察簡章
辦理

第七條 員生兵役按月給予薪水工食另表詳定之

第三章 職守

第八條 總理負萬城大隄完全責任任免總分局員生考
核工程稽查土費及總分局出入款項並會商江陵縣知
事及地方正紳籌議修防事務與一切進行方法

第九條 協理襄助總理執行一切事務總理有事故時得
由協理代之

第十條 稽查巡視全隄修築工程及購辦工料與防汎時
應備之材料器具凡關於工程之利弊隄身之險要有隨
時報告之責

第十一條 文牘專司一切往來公牘函件並保存文卷起
草主稿送總協理覆核執行

第十二條 收支專管款項出入及總局庶務保存公有器
具一切置籍掌管之所有收支款項須按季分造四柱清
冊實請巡按使公署核銷

第十三條 書記兼核算專司繕寫公牘冊籍及核算工冊
收發文件幫繕襄助書記繕寫核算

第十四條 各隄工分局經理按所管工段監察工程巡視
隄身冬春修築夏秋防護均須常川駐局石卡經理督催
石船切實量收陸續運赴工次接濟工用不得遺誤

第十五條 各土局經理於所管土費切實經理認真督催務期依限完納以濟工用不得有放棄責任及浮收苛索之弊

第十六條 各局算寫丈量生應受各分局經理員節制凡估工清工收工均須切實丈量計算清楚繕具清冊送交總局復核至防汛時應測量水痕高低填報總局以便下屆勘估修築各土局執事生應各按所有職務勤慎辦公不得稍有舞弊情事

第四章 考成

萬城隄防輯要

卷下

大堤章程

四

第十七條 萬城大堤關係重大工程浩繁在前清時督修承修之道府各員均有考成惟僅照成案辦理並未分別規定現定尋常歲修工程所有承修及監工各員均應保固一年經歷三汛其特別工程如修築潰口退挽月堤須另行籌款不在歲修經費之列者應保固三年以專責成

第十八條 新修之工如在保固期內萬一有潰口情形所有曾經保固人員應由巡按使查取銜名分別輕重加以懲戒但盛漲漫溢人力難施者不在此限

第十九條 堤工總協理及總分局人員於每屆工程切實

督修並能認真防護者得詳請巡按使酌核給獎其在工
有異常勞績或繼續修防連慶三屆安瀾者得詳請巡按
使核明咨部獎叙以示鼓勵

第二十條 堤工各員有曠職日久怠忽職務或扶同舞弊
情事應分別輕重或記過罰薪或立予撤換其情節較重
者應詳請巡按使交文官懲戒委員會加以懲戒

第五章 委任

第二十一條 總理由湖北巡按使委任協理向由江陵縣
自治會公舉現自治停辦應由堤工總局會同江陵縣知

萬城隄防輯要

卷下

大堤章程

五

事及地方正紳於捕沙龍郝四汎內延訪老成公正熟悉
堤務紳士會詳巡按使加札任用

第二十二條 總局稽查文牘收支各員由總協理聘用詳
報巡按使公署存案

第二十三條 各土局經理由縣知事與堤工總局會銜委
派執事生由該局經理自行擇用

第二十四條 各堤局及石卡經理由總協理遴選熟悉堤
務強幹耐勞人員委用

第二十五條 捕沙龍郝各汎如有熟悉隄務結實耐勞者

得由總協理酌量選用各該汛紳士不得藉端要挾

第二十六條 總局書記幫繕及分局算寫丈量生均由總協理分別錄用

第六章 經費

第二十七條 隄工用款全恃土費項下開支收土費之法向例按照地丁銀每兩派土不得過二十方現定辦法每屆安瀾估工後由隄工總局會同地方正紳妥慎籌議將歲修防汎及額活支款作一預算照中等年歲收入數目每兩應派土若干方咨會江陵縣知事查照辦理

萬城隄防輯要

卷下

大堤章程

六

第二十八條 收土費之法分爲三限舊歷四五月爲頭限七八九月爲二限十冬臘月爲三限每土一方定價一百六十文頭限完納者每方減少四十文二限完納者每方減少二十文三限完納者照價不減所以懲刁狡而重堤防如本屆未完之二仍應帶征兩年照價完納

第二十九條 土費由縣知事與堤工總局會銜徵收用人權限歸知事主持堤工總理有稽核良窳之權

第三十條 收入土費應咨會沙市商會覓殷實錢庄隨時代爲存儲非關修防要務不得擅行挪用

第三十一條 大堤用費逐年入不敷出向例每屆歲修先行設法借墊或由夫頭重息墊作工用俟夏秋後徵收土費償還既費息金又多手續公家尤吃暗虧現本屆僅將餘存土費擇要估修並未挪借鉅款下屆即可以上年土費存儲之多算定工程之大小既省稱貸之煩且免息金之累

第三十二條 前條規定係指每屆歲修而言如遇重要工程土費不能敷用須借資商力勸集捐款或詳請借撥國稅由土費籌還

萬城隄防輯要

卷下

大隄章程

七

第三十三條 萬城大堤應於土費項下每年節存錢三千串爲萬城大堤預備金以爲臨時搶險及凶荒費絀之備此項預備金應折合銀兩存放國家銀行照章起息

第三十四條 預備金之動用先以息金爲限如萬不得已動及母金時須於次年籌還

第三十五條 堤工收支之決算於陰歷次年正月行之所有堤工總局及九分局六土局常年收入支出由隄工總協理會同江陵縣知事邀集地方公正紳耆查核對算以昭大信而重公歛

第七章 歲修

第三十六條 歲修項下分土石兩工土工全堤擇要培修石工以沙登馬郝四局爲最如遇重要情形須辦大工者謂之特別工程不在歲修之例

第三十七條 歲修向例每延至仲春開工時限迫促轉瞬桃汛發生取土艱難加以農忙期邇招夫不易現自下屆爲始一律改爲冬工庶工多土易可收事半功倍之效

第三十八條 土工歲修向例九局勘估勻派現擇其最要次要者輪年次第培修凡工程無多之局得由總協理酌

萬城隄防輯要

卷下

大堤章程

八

量情形將該局經理調往工程重要之處協同督修工竣仍回本局防汎

第三十九條 石工分毛碎石板石條石各項毛石專以拋護堤脚碎石除護脚外兼以修砌雙擺及魚鱗斜坡板石條石專爲修理坦破及礮岸磯頭之用向來船戶帮寬加高壓浮蓋面無弊不有書差受賄習以爲常現將方價酌加凡石船到卡時由總局人員協同經理專員核實驗收以杜以少報多之弊

第四十條 歲修工程前清時工書夫頭通同舞弊以致欸

項虛糜利歸中飽民國以來切實改良本年又另案詳請將夫匠方價核實酌加工程開辦時應由總局人員隨時上隄督同該局經理認真監察不令夫匠有減料偷工情事至工竣驗收偷減者除核扣外仍分別懲罰其有修築異常結實土方溢乎原估之外者除按方給價外仍分別工程之大小酌量獎賞以資鼓勵

第四十一條 土石兩工每屆估工收工應由堤工總局咨會江陵縣知事邀同地方正紳認真辦理至知事及地方正紳夫馬火食由隄局按日供給不另送薪資

萬城隄防輯要

卷下

大堤章程

九

第八章 防護

第四十二條 萬城大堤前清舊例應由湖北督撫輪年駐隄防汛如省城另有要務亦應奏委道府大員代防極爲鄭重現在民國應由堤工總協理督率在事員役切實防護惟江陵縣知事及水陸警察遇大汛時均有協同防護之責

第四十三條 防汛定例於陽曆六七八九四個月由總局發循環板簽入枝註明時刻填寫水痕由各局堤警按時傳遞輪流梭巡每工選用近堤老成居民一人幫同堤警

常川巡視如有崩陔浸漏立時報告以憑酌量辦理設遇重要情形由該局經理立時招集近堤民夫上堤搶護至一切器具均歸公家置備分儲各局以資防禦

第四十四條 遇大汎泛漲水痕高過楊林洲石磯一丈時須通宵傳遞板簽認真巡視各堤警雨夜奔馳備極辛苦應按路程之遠近酌量加給口食

第四十五條 防汎期內總協理稽查均須分途巡視督率防護各局經理有防守專責尤不得擅離局所違者應予懲戒

萬城隄防輯要

卷下

大堤章程

十

第四十六條 沙登馬郝四局爲濱江險工段落綿長大汎時除將石卡專員調派協防外仍當察看情形臨時加派一二員協同防護惟水勢平定時不得援以爲例

第四十七條 萬城堤外濱江南北兩岸多有洲灘淤塞小民無知每挽築私垵與水爭地前經咨部立案永遠嚴禁恐日久玩生應由堤局人員隨時查視如有違禁私挽及修復舊垵卽行設法禁阻以暢江流

第九章 附則

第四十八條 萬城大堤向行舊案及歷年詳定改良事件

善後辦法堤警簡章不與本章程相抵觸者仍得援用

第四十九條 本章程由奉巡按使批准之日實行

第五十條 本章程如有未盡事宜得隨時增改詳請巡按使核奪

江陵萬城大堤章程詳文○竊查萬城大堤前清時遵照歷來奏案辦理並無確定章程民國以來新設總局未遑遠圖僅依據舊案並隨時酌擬改良進行善後辦法詳請核奪遵行歷經辦理在案現在修築防護均歷三居一切利弊經驗已熟似宜及時規定章程以期久遠國彬等用特約集江陵四汛地方正

萬城隄防輯要

卷下

大堤章程

十一

紳就當事者歷年之考察參以衆人之輿論審慎再三擬定江陵萬城大堤章程都爲九章五十一條詳請鈞使核奪如蒙核准屬局擬卽排印多分分給在事員生及地方紳士俾以後從事修防者得以有所遵守是否有當國彬等未敢擅專理合繕具擬定章程一本備文賫送仰乞鈞使俯賜查核批示遵行○奉巡按使批據詳實擬定萬城大堤章程已悉查所擬第四章第十九條有依文官委任職叙官之例詳請咨叙文官等語查前奉文官叙官令係指實官而言該局堤工差事人員是否能一律辦理尙無明文該條應改爲隄工總協理及總分局人員

於每居工程切實督修並能認真防護者得詳請酌核給獎其在工有異常勞績或繼續修防連慶三居安瀾者得詳請核明咨部獎叙以示鼓勵其第二十一條應即刪除餘條均尙妥協准予備案仰即知照 三年九月

萬城隄防輯要

卷下

大堤章程

十一

堤警簡章

堤工之有警察自民國三年創始緣大堤長二百餘里每屆歲修沿堤夫役衆多爭鬪滋事時有所聞防汛期間水勢變幻莫測巡防既貴周密策應亦須靈通組織警察係爲慎重堤防起見嚴彈壓勤梭巡庶宵小望而生畏夫役知所服從實於修防事宜大有裨益謹列簡章於右以備稽攷

第一條

萬城堤工總局爲保堤防之安全謀工程之堅固詳奉湖北巡按使批准設立堤工警察

萬城隄防輯要

卷下

堤警簡章

第二條

堤工警察以萬城堤工總協理爲主任暫以本局稽查兼署長並管看守所事務以九分局委員兼各處分駐警官所有文牘收支一切事宜均由總局人員分別兼任

第三條

堤工警察於堤工總局添設堤警四名看守所所丁一名各分局卽以原設堤兵改充堤警

第四條

堤工警察江陵縣知事有協助之義務遇有危難事件堤警力

有不逮者須派警隊協同辦理

第五條

堤工警察署長承總協理之指揮負防衛堤身及督率工程之責任有指揮各分駐警官辦理該管事務之權關於督工防險有懲責本局夫役之權對於各界人民認其有妨害堤身安全之行爲時須禁止之惟事關重大及不服禁阻者得暫時拘管稟請總協理送交縣知事辦理

第六條

各分駐警官承署長之指揮管理該段堤工警察事務對於該萬城隄防輯要

卷下

隄警簡章

二

第七條

隄警受署長及分駐警官之指揮服保衛堤身安全及巡視工程之任務當巡察時遇有情形隨時報告於分駐警官如有怠誤由署長及分駐警官予以相當之懲罰

第八條

堤工警察人員於萬城大堤防衛修築以外之事一概不得干預並不得收受範圍外之陳訴

第九條

添設堤警及看守所所丁月給工食七串文分局堤警由堤兵改充原有職務仍由堤警服任不得曠廢

第十條

本章程由批准開辦之日實行並得隨時改良詳請湖北巡按使核准

萬城堤工警察章程詳文○竊查萬城大堤督工防汛辦理困難於本年六月妥籌善後辦法八條內擬請組織堤工警察以資整頓詳奉鈞使批開所擬組織堤警一節既據稱堤段綿長

萬城隄防輯要

卷下

堤警簡章

三

夫役衆多違禁舞弊滋生事端時所不免必一一送縣懲辦殊多阻碍仍須阻織堤工警察庶有直接拘留懲罰之權易於彈壓夫役辦事人員不形棘手自屬實在情形檢核該總協理上年所呈辦法係就總分局原有員役改設名目人數略有增加需費無多亦尙簡而易行應卽妥擬章程專案詳請核示辦理等因奉此查堤工警察原就屬局員役酌量增改所有章程前經酌擬呈核惟與現時情形稍有不合謹另行妥擬章程十條備文詳請鈞使俯賜查核批示遵行○奉巡按使批據詳已悉所擬萬城堤工警察簡章十條核與上年詳賚章程畧有增減

一切規定尙屬妥協應准備案仰卽查照改組妥速辦理仍將
開辦日期具報察攷三年八月

禹城隄防輯要

卷下

隄防簡章

請獎成案

職守所在功過攸分凡百執事皆然任宣防者考成尤爲重要故營私舞弊處分不得不嚴竭力從公勞勩亦未可沒優予獎叙所以勵賢能也嚴予懲戒所以儆貪劣也民國以來堤務維新待人而理其供職各員尤宜悉心查察從嚴甄別得使賢者益知奮勵不肖者亦資觀感黜幽陟明其亦古人三載考績之意也夫

荆南道尹公署詳文○案據道屬江陵萬城堤工總理徐國彬詳稱竊查萬城大堤爲荆郡江陵及下游數縣之保障工段綿

萬城隄防輯要

卷下

請獎成案

長關係重要自前清乾隆五十三年隄潰發帑二百萬特命大學士阿桂來荆督修完固比照黃河工程嚴定考成每年由湖廣總督湖北巡撫輪值一人赴荆駐防如省城有應辦要件不克分身另委道府大員駐工代防仍須專摺奏報設有潰決其承修防汎之員處分甚重如果修防得力而保獎成案亦極優渥除興辦大工著有勞勩者隨時奏獎外每遇連慶三屆安瀾繼續修防之道府專案保奏多獎以鹽運使銜亦有特給二品頂戴者其餘出力人員或內獎升階或外給功牌連及宣統年間均歷經遵辦在案民國開幕飭於沙市設立總局一切修防

事宜責成總協理督率員紳妥慎辦理本年屬局擬有章程五十條詳奉前巡按使呂批准施行國彬因大尹職在分巡而此隄又隸於轄境是以將章程批示均錄報鈞署備案現計元年迄今已歷三載迭逢盛漲水痕竟高過楊林洲石磯一丈二尺有奇其時各處隄身危險萬狀經國彬督率在事員紳生兵晝夜梭巡搶護幸皆仰托福庇轉危爲安水退後認真修築一律穩固刻已連慶三屆安瀾在工人員似不無微勞足錄查前次詳定章程第四章第十九條內載堤工總協理及總分局人員於每屆工程切實督修並能認真防護者得詳請巡按使酌核

萬城隄防輯要

卷下

請獎成案

二

給獎其在工有異常勞績或繼續修防連慶三屆安瀾者得詳請巡按使核明咨部獎叙以示鼓勵等語自應遵照辦理茲經國彬將總分局人員在工未滿三年以及防護不甚得力者一概剔除以免冒濫外謹擇其在工扣滿三屆異常出力核與定章資格相符堪膺保獎者共計四員理合開造各員銜名履歷到差年月辦工事實清冊詳請查核加考轉行咨獎等情並竇到銜名履歷事實清冊一本據此職道查江陵地勢低窪形同鍋底民賦田廬胥恃堤爲保障而萬城大隄濱臨荆江計長二百餘里尤爲江陵及下游潛監沔陽等縣特別屏蔽前清時係

由荊州知府收費承修金融在其掌握之中辦理尙無扞格之虞迨民國紀元府制取消土費改歸江陵知事經收解局濟用其時以民氣囂張催徵無術收獲之數不及前清遠甚而險工迭出需款孔殷與從前究無二致加以湘民王輔亭等挽築私垸既加妨害於先劉鐵攻犯荊州復欲挖掘於後照該總理冊開事實其經過困難情形殆不一而足以言修防實非易易遑論安瀾乃該總理自元年四月到差迄今日以講求隄防爲事湘民王輔亭所挽私垸凡與大堤有碍抗不創毀者均經該總理請兵彈壓一面督飭稽查韓毓蔭不避艱險前赴各處押令

萬城隄防輯要

卷下

請獎成案

三

創毀刊碑立案以杜後患其歷次所出險工亦經該總理會同江陵知事認真催費量其輕重緩急先後督飭協理楊紀南暨在工人員認真修理切實防護並查明二郎門礮岸關係重要前清時議修未成特向官商籌借鉅款加派員紳修築如式以致時歷三年安瀾迭慶其功誠不可沒且土費日增支銷仍不敢濫卒能以撙節所餘將官商借款一律繳還本年更爲騰挪工用之規定以上年之款作次年之用並設大堤獎備金以爲臨時搶險及凶荒費紬之備是直爲該局謀永久之宏規非僅爲斯民增一時之福利謀深慮遠任事實心求之今日誠不多

請給予獎叙等因到部當經調查成案備具呈文援案給予獎勵於本月初四日奉

大總統批令准如所擬給獎交政事堂飭銓叙局查照單摺併發此批奉此相應恭錄○批令錄鈔原呈並單咨行遵照飭知可也等因附抄原呈一件單一件到署承准此查該道尹原詳該局收支員王華梅經手出納籌畫樽節不誤工需自應酌予記大功一次飭科註冊以示獎勵並飭各該員一體知照 四年四月

內務部原呈○竊准湖北巡按使段書雲咨陳萬城大隄地段綿長二百餘里關係江陵及下游數縣田賦生命至爲重要前

萬城隄防輯要

卷下

請獎成案

五

清舊案凡承修防汛之員處分綦嚴其修防得力三居安瀾者亦歷經奏請保獎有案前據該局總理等擬定章程載明其在工有異常勞績或繼續修防連慶三居安瀾者均詳請核咨獎叙等語詳由巡按使核準備案在案茲據荆南道道尹凌紹彭將江陵萬城堤工總協理及總稽查員等四員履歷事實清冊詳經覆核相符咨陳查核辦理等因到部當經本部檢閱舊卷僅有宣統三年湖廣總督具奏荆門州沙洋堤工出力人員請授案擇尤保獎一案今准該省咨開據荆南道道尹詳稱該總理徐國彬等於辦理江陵萬城堤歷次險工及二節門礮岸一

處要地均能切實搶護修築如式所支經費又能樽節動用等語是該堤工局總理徐國彬等歷年防護搶險不無微勞足錄現已三居安瀾似應援案給獎藉資激勸但此次江堤工程較黃河河工情形不同自未便援照直東豫三省河工獎案辦理惟安徽黃絲灘下八圩堤工獎案曾於上年奉 令給獎有案鄂省事同一律自應援照此案分別獎叙俾足以昭核實而免歧異所有請獎湖北萬城堤工三居安瀾在工出力人員緣由是否有當理合繕具清單並履歷清冊呈請 大總統鈞鑒訓示施行

萬城隄防輯要

卷下

請獎成案

六

分等給獎清單

萬城堤工總理徐國彬

以上一員擬請仿照安徽省下八圩堤工局長給獎成案獎給七等嘉禾章

萬城堤工局員協理楊紀南總稽查員韓毓蔭收支員王華桡以上三員擬請仿照下八圩堤工局員給獎成案獎給九等嘉禾章

萬城大堤請援案給獎文○竊查萬城大堤綿亘二百餘里爲荆郡江陵及下游數縣之保障關係重要迭逢水痕盛漲危險

萬狀端賴羣策羣力卽時搶護始得轉危爲安是以前經國彬釐定章程五十條第四章第十九條內載總分局人員於每屆工程切實督修並能認真防護者得詳請酌核給獎其在工有異常勞績或接續修防連慶三屆安瀾者得詳請巡按使核明咨部獎叙以示鼓勵等語詳奉前巡按使呂批准施行查上年三屆安瀾時業將屬局石卡經理員甘霖郝分局經理員柳勛嘉禾章在案茲查屬局石卡經理員甘霖郝分局經理員柳勛臣每屆險工迭出之時均能切實督修防護勤慎自矢勞瘁不辭迄今已歷三載核與定章相符且與前清獎給嘉禾章之韓

萬城隄防輯要

卷下

請獎成案

七

毓蔭等三員事同一律擬請援照前案呈請給獎大以昭激勸所有李分局經理員孫炳鏞登分局經理員歐陽澤拖分局經理員袁策勛石卡襄助員賀法前以上四員均能結實耐勞尙無遺誤擬請各予記大功一次以示鼓勵除在工各員未滿三年或辦事不甚得力者一概剔除免致冒濫外理合開造甘霖柳勛臣二員銜名履歷到差年月辦工事實清冊詳請鈞使查核示遵並懇分別援案給獎○奉巡按使批詳暨清冊均悉候咨部核辦至稱各分局經理員孫炳鏞等四員結實耐勞尙無貽誤准予各記功一次以示獎勵仰卽轉飭知照

巡按使公署飭文○承准 內務部咨開准咨陳江陵萬城隄工局局員甘霖等二員防汛搶險援例擬獎請核辦見覆等因到部本部查舊案此項堤工每屆三慶安瀾始得由該局擇尤詳由該省咨請獎給一次上年該堤工三慶安瀾曾由部撥案請將該局總理徐國彬暨委員韓毓蔭等四員分別獎給勳章在案現在甫經一載復准咨請將局員甘霖等援例給獎各節核與舊案不甚符合未便照准惟原咨所稱該局員甘霖等在差三載迭慶安瀾平時於監修督工防汛搶險事宜均能奮勇從公異常出力等語應准由部暫行存記仍俟下屆三慶安瀾

萬城隄防輯要

卷下

請獎成案

八

時再由該局稟案請獎相應咨行查照轉飭遵照 五年三月

湖北巡按使段片呈修防堤工總理徐國彬請優加擢用文並批令○再鄂省襟江帶漢堤垸林立修防工程實為全省命脈所繫而江陵萬城大堤關係下游十餘屬生命財產尤為重要年來洞庭淤蟄江流頓異於前工防異常喫緊前清時係荊州知府管理歲計所需攤徵民間畝費然支用浩繁民力頗形凋敝兵燹後即委員紳徐國彬充任總理力剏舊習樽節開支隄身日臻穩固而工款逐漸減少值此悉索之際民力頗積少紓三年十月因三屆安瀾曾經宜昌道道尹凌紹彭詳請咨部獎

給七等嘉禾章年來該總理益自振勵每遇伏秋盛漲岌岌可
危均能隨時搶護化險爲夷其勞實不可沒查該員誠樸勤廉
實事求是由前清增貢生援例報捐縣丞歷在本省辦理學堂
保升以知縣分省補用應如何優加擢用之處出自 睿裁爲
此附片具陳伏乞 大總統鈞鑒訓示謹呈奉 批令交國
務院飭銓叙局核議旋奉 批令交全國水利局酌量任用五
年九月

萬城隄防輯要

卷下

九

改編局員

法制與時爲變遷卽官制因時而損益改革之初創設大堤總局所有九堤工局六土費局員司薪俸尙仍其舊近年來熟察情形各分局所管地點程途有遠近工段有險夷勞逸大有區分卽員薪不無增減他如總局分課理事各按職務之繁簡責任之重輕以定月薪之多寡局有等差卽責有大小量能授職各盡其長此改編局員之所由來也

萬城大堤改編局員辦法十二條

一萬城大堤關係重要擬請改設隄工專局專司修防事宜

萬城隄防輯要

卷下

改編局員

一原設隄工總理擬請改爲局長定爲荐任人員以重職守

一原設協理擬請改爲襄助紳延訪地方公正老成素有聲望紳士詳請加札任用

一專局設工程文牘收支三課各以課員一人掌之另用僱員辦理庶務書繕及各工段算寫丈量事務

一原設九分局經理員十八人查沙市登南馬家塞郝穴四局最爲險要擬請每局改設一等局員一人萬城李家埠江神廟金果拖茅埠五局每局改設二等局員一人掌該管工段及警衛隄身事務

河隄工責之廳縣殆尤過之歷任道府以位尊責重自顧考成苟遇危險皆能逃赴事功非盛漲漫潰人力難施之年莫不獲慶安瀾國賦民生保全甚大此權重責專之效也改革後道尹移駐知府裁撤乃另設隄局專司修防惟至今尙未編列官制地方人民視爲公益機關羣思干涉每以不能辦到或無甚裨益之工要求舉辦且辦事人員自忖係臨時差使隨長官爲去留羣懷難進易退之心人無固志策勵維艱又在工人員參用本地士紳非幕非吏責任不明旣無確定官階卽難遽繩以官吏服務命令而協理一職輪充更換尤多視如傳舍且或各私

萬城隄防輯要

卷下

改編局員

三

其鄉致啟爭端此編制未定事權不專之害也國彬承乏三載有餘在職一日須盡一日之責然隄防事重非一手一足之力所能收效查萬城隄長二百一十七里有奇自前清乾隆以後改歸知府承修設工程文牘各一員總收支一員分收支二員九分局委員各二員石卡石工各一員隄防營弁三員加以工書弓正隄老圩甲營兵全隄凡五百餘人修防之法極爲周密歷二百餘年遵行無替民國以來創設隄局減去分收支二員石工一員弁兵吏役悉已裁撤隄老圩甲亦經議會稟請革除權力薄弱窒碍諸多幸三年之內江水未異常盛漲徼天之福

得保無虞然近來水泓北趨險象發生春江流奇湍隄根顯露始知原有石工強半損壞奇險林立怵目驚心有急須補救者有非一二年所能奏功者大隄已成積弱之病較之前清時尤爲吃緊倘遇江流盛漲實屬可危且徵收土費防護汎漲非予以特權重以專責辦理必多棘手惟有將萬城隄工局編列官制遴選熟悉工程之員荐爲局長予以久任所用局員視同委任待遇之椽屬責任旣明障碍自去必能專心服務規畫久遠庶于堤防水利大有裨益國彬一得之愚未知當否謹將應行改編事宜酌擬辦法十二條實請核奪如蒙採擇伏乞會同全

萬城隄防輯要

卷下

改編局員

四

國水利局呈請

大總統飭下法制局核議施行所有大隄

關係重要擬請編列官制各緣由謹備文詳請鈞使鑒核。奉巡按使飭據水利分局查復詳稱伏查萬城隄綿長二百餘里爲下游十數縣田廬保障關係本極重要該總理請定官階條陳辦法自爲慎重隄防力圖整頓起見奉飭前因遵卽逐條詳加審核如第一條萬城隄工擬請改爲專局專司修防事宜查萬城隄前清時向由荊州知府管理民國成立以後裁府留縣由省特派專員前往設局綜司其事已與專局無異修防一切自係該總理一人專責似可不必再立專條第二條原設隄工

總理擬請改爲局長定爲荐任以重職守自係因萬城隄工緊要取事權統一任重責專之義惟鄂省濱臨江漢隄腴林立派充總理者不止萬城隄一處聞現在管理河海工程各員應叙官階中央將次規定似可從緩議改第三條原設協理擬請改爲襄助紳延訪地方公正老成素有聲望紳士詳請加札任用查萬城隄協理每年由地方公舉正紳稟由縣局會核轉詳加委歷經辦理有案惟輪年舉充該協理自不免視同傳舍然使去留毫無限制用人者恐亦不無瞻徇究應如何任用如何延訪之處應仍飭該總理妥籌辦法另行陳候核定其餘第四條

萬城隄防輯要

卷下

改編局員

五

至第十條或專局改設工程文牘收支三課各以課員一人掌管或九分局經理員十八人改爲一等局員四人二等局員五人每局各設局員一人管理以及石卡經理員二人改設一等局員一人各徵收土費局均作爲二等局員一切辦法查萬城隄原定總分局章程權限該總理本有支配總分各局在事人員之權且此次改編既較原設人員有減無增尤見辦事核實不辭勞怨應請責成該總理體察情形隨時酌量裁減分別請示辦理又第十一十二兩條原設隄警及雜役人等既稱皆仍其舊自可勿庸再議至修工防險必要時酌量情形詳請添派

臨時委員查萬城隄每遇汎漲事關緊急原許臨時添委汎員藉資策應惟汎員薪貲應以防汎之日起至安瀾時止不得長年支給致涉虛糜亦不得視為成例年年添委總之辦事期有實際用人尤貴廉明庶法立而弊無由生責重而事乃畢舉矣所有議復萬城隄工總理徐國彬條陳辦法是否有當理合遵飭具文詳請鑒核示遵等情前來查核所議各條尙屬妥協除批示外合亟飭仰該堤工局總理即便查照辦理

改編詳文。竊查屬局詳請改編各事宜既經水利分局審議詳奉察奪理應遵照辦理除原詳第一第二第十一第十二等

萬城隄防輯要

卷下

改編局員

六

條奉飭從緩議改及毋庸再議外所有第三條改編協理一節嗣後請改由屬局總理在江陵縣捕沙龍郝四汎內博採輿論延訪公正殷實夙孚衆望之士紳會同江陵縣知事詳請加札任用定爲任期三年不得仍沿按汎輪年舊習以杜流弊第四條總局改編事宜所有稽查文牘收支三員擬請改爲工程文牘收支三課課員仍設書記一員算丈生六人定爲僱員至庶務幫繕兩項現因收工以後事務無多暫緩設置由收支課員及書記分別兼任第五條原設九分局經理十八人請將沙市登南馬家寨郝穴四局改爲一等局員各一人萬城李家埠江

神廟金果寺拖茅埠五局改爲二等局員各一人掌該管工段事務現查金果寺分局外有洲灘修工防汛均極清簡擬請不設局員暫派僱員一人代行局員職守以後如淤灘日高再行將該局裁撤堤段分劃管理第六條石卡仍請派一等局員一人加派僱員一人幫辦催船運石事務第七條應設僱員處所除金局外萬城沙市登南馬家寨郝穴拖茅埠各設一人李家埠江神廟共設一人幫同局員辦理第八第九兩條徵收土費局經理改爲二等局員各課員局員定爲委任職均從緩議第十條總分局各員薪水按事之繁簡酌量增減另行列表賚請核

萬城隄防輯要

卷下

改編局員

七

奪以上各條均係遵照水利分局議復再行詳加籌議惟員額較少如遇有特別工程及江水盛漲應隨時察看情形詳請添派臨時委員以資策應國彬爲改良堤務起見是否有當伏乞鈞使俯賜察核示遵再現在已屆秋汛距安瀾時不過兩月除將總局人員先行改編外所有各分局應俟安瀾後再行核改實行合併陳明○奉巡按使批詳表均悉查核改編該總分局員額以及薪水數目較之原薪每月減少錢八十六串文自屬核實應准備案至所稱現屆秋汛距安瀾時不過兩月擬先將總局人員改編其餘各分局俟安瀾後再行核改實行亦應照

准仰卽知照 四年八月

萬城隄工局改編職員薪水一覽表

改編職名員 數 薪水單數 薪水 共 數

總局總理一 人 捌拾串文同 上

總局協理一 人 伍拾串文同 上

工程課員一 人 叁拾陸串文同 上

文牘課員一 人 叁拾陸串文同 上

收支課員一 人 叁拾貳串文同 上

書記兼核算員一 人 貳拾肆串文同 上

萬城隄防輯要

卷下

改編局員

八

一等分局局員五 人 各貳拾捌串文 共壹百肆拾串文

二等分局局員四 人 各貳拾陸串文 共壹百零肆串文

局卡襄助員九 人 各貳拾串文 共壹百捌拾串文

算寫丈量生六 人 各壹拾貳串文 共柒拾貳串文

備

一 總分局人員原定薪水月支錢捌百肆拾串文

一 現定薪水月支錢柒百伍拾肆串較原薪減少捌拾

陸串文

考

一 石船巡緝礮岸監工及防沈帮繕各員係臨時添派

故薪水均未列入計算

職員銜名

古之官署例有題名如藍田縣廳丞題名記是也堤局微員未秩非必冀姓字之昭垂惟念修防責任至重凡盡力於堤務者似未便沒其名稱大堤之保障無窮從事大堤者其名氏亦應隨之而傳播別以職守有專司也標其姓氏無浮冒也係以籍貫稽里居也誌其出身明甄進也以供差之久暫覘資格之淺深後之覽斯表者其亦可以屈指而稽矣

元年份職員一覽表

職 別姓 名籍 貫出 身

萬城隄防韜要

卷下

職員銜名

總局總理徐國彬湖北黃陂

前清增貢肄業經心書院湖北學紳法政講習所畢業由縣丞保升補用知縣

總局協理龔寶琅湖北監利前清舉人歷任四川州縣升候補道

總局文牘黃廷樞福建漳平前清附生湖北補用縣丞

總局總稽查莊銘心湖北監利前清附生

總局分稽查余鼎臣江蘇常州前清湖北補用知縣

總局分稽查莊以臨湖北宜昌調查海軍駕駛科畢業生

總局分稽查毛濟美湖北江陵前清監生

總局分稽查王海谷湖北江陵前清監生

總局收支王華梅湖北黃安前清監生候選州判

總局分收支王 遠 鍾湖北江陵前 清 監 生

總局書記張 承 熙湖北漢川湖北鐵路學堂畢業生

總局帮繕胡 寅 亮湖北監利俊 秀

萬局委員李 鎮 國湖南 前陸軍特別小學畢業

萬局委紳歐 陽廉正湖北江陵前 清 廩 貢

李局委員孫 炳 鏞浙江山陰前清監生湖北候補典史

李局委紳蔡 若 緩湖北江陵前 清 廩 貢

江局委員周 麟 甲湖南湘潭前陸軍特別小學畢業

江局委紳陳 益 新湖北江陵公立師範畢業生

萬城隄防輯要 卷下 職員銜名 二

沙局委員曹 鈞安徽當塗前清監生湖北候補巡檢

沙局委紳李 成 九湖北江陵前 清 附 生

登局委員歐 陽 澤湖南長沙前清監生湖北候補按察使經歷

登局委紳胡 治 鎬湖北江陵前清廩貢候選訓導

馬局委員張 毓 琦福建 前 清 監 生

馬局委紳湯 懋 遠湖北江陵日本早稻田大學法政豫科畢業

郝局委員吳 曾 貽江蘇常州前清監生湖北候補府經歷

郝局委紳楊 絕 南湖北江陵日本宏文速成師範經緯學堂長期警察早稻田大學法政豫科畢業

金局委員吳 昌 均安徽休甯前清監生湖北候補巡檢

金局委紳李敘 廣湖北江陵前清附生

拖局委員郭之 萬湖南長沙留俄建築科畢業生

拖局委紳馮鼎 春湖北江陵前清附頁

石卡委員方寶 樹江蘇上元前清監生湖北候補典史

石卡委紳賀法 前湖北江陵前清監生河南試用通判

石工經理員韓毓 蔭浙江蕭山前清監生湖北候補典史

二年份職員一覽表

職別姓 名籍 貫出 身

總局總理徐國彬 前見

萬城隄防輯要 卷下 職員銜名

總局協理索龍 蒲湖北江陵前清監生候選通判

總局文牘黃庭樞 前見

總局稽查韓毓 蔭 前見

總局收支王華梅 前見

總局書記索鴻藻 湖北江陵前清監生候選州同

總局幫繕劉立甫 湖北江陵俊 秀

萬局委員李鎮國 前見

萬局委紳歐陽肅正 前見

李局委員孫炳鏞 前見

李局委紳宋乾 三湖北江陵前清隄防營把總

江局委員索鴻 先湖北江陵前清附貢候選訓導

江局委紳魏灼 三湖北江陵前清監生

沙局委員曹鈞 前見

沙局委紳趙鴻 鈞湖北江陵前清附生

登局委員馮德 浙浙江山陰前清監生湖北候補巡檢

登局委紳袁策 勛湖北江陵前清附生荆南師範畢業

馬局委員湯懋 遠見 前見

馬局委紳陳學 良湖北江陵前清監生

萬城隄防輯要

卷下

職員銜名

四

郝局委員楊紀 南見 前見

郝局委紳柳勛 臣湖北江陵前清附生荆南師範畢業

金局委員毛濟 美湖北江陵前清監生

金局委紳隗超 湘湖北江陵前清附生

拖局委員蔣國 霖湖北江陵前清監生

拖局委員鄭德埏 續湖北江陵前清監生

拖局委紳田春 森湖北江陵前清監生

石卡委員歐陽 澤見 前見

石卡委紳賀法 前見

三年份職員一覽表

職 別姓 名籍 貫出 身

總局總理徐國彬見前前

總局協理楊紀南見前前

總局文牘黃承宗福建漳平前清監生候選縣丞

總局稽查韓毓蔭見前前

總局收支王華梅見前前

總局書記鄧振雍湖北江陵前清附貢候選訓導

總局幫繕劉立甫見前前

萬城隍防輯要

卷下

職員銜名

五

萬局委員歐陽廉正見前前

萬局委紳李濱湖北江陵前清監生

李局委員孫炳鏞見前前

李局委紳黃震東湖北江陵縣師範畢業

江局委員索鴻先見前前

江局委紳宋祖焯湖北江陵縣師範畢業

沙局委員曹鈞見前前

沙局委紳賀法前見前前

登局委員馮德忻見前前

登局委紳魯明 裕湖北江陵簡易師範畢業是等小學教員

馬局委員甘霖 湖南湘陰前清監生湖北候補典史

馬局委紳胡治 鎬見 前見

郝局委員袁策 勛見 前見

郝局委紳鄭伯昌 湖北江陵前清增生

金局委員張在 銘湖北江陵日本宏文速成師範經緯學堂長期警察畢業

金局委紳薛達 煊湖北江陵縣師範畢業

拖局委員柳勛 臣見 前見

拖局委紳胡有瑜 湖北江陵前清監生

萬城隄防輯要 卷下 職員銜名 六

石卡委員歐陽澤 見 前見

四年份職員一覽表

職 別姓 名籍 貫出 身

總局總理徐國彬 見 前見

總局協理張雯 煥湖北江陵前清附生留學日本法政大學法律科畢業漢口地方檢察廳檢察官

總局文牘黃承宗 見 前見

總局稽查韓毓蔭 見 前見

總局收支王華梅 見 前見

總局書記鄧振雍 見 前見

總局帮繕徐

標湖北黃

陂前清監生縣師範自治畢業

萬局委員歐陽

澤見

前見

前

萬局委員李

濱見

前見

前

李局委員孫炳

鏞見

前見

前

李局委員譚俊

心湖北江陵前湖北警察學堂畢業

前見

江局委員宋祖

煒見

前見

前

江局委員鄢福

基湖北蘄水前清監生江蘇按察使照磨

沙局委員梁景

鏞河南汲縣前清監生湖北補用巡檢

沙局委員汪延

祐湖北黃岡前清監生福建候補府司獄

萬城隍防輯要

卷下

職員銜名

登局委員馮德

忻見

前見

前

登局委員魯明

裕見

前見

前

馬局委員柳助

臣見

前見

前

馬局委員黃兆

奎湖北江陵前

清

附

生

郝局委員曹

鈞見

前見

前

郝局委員袁策

助見

前見

前

金局委員張在

鎔見

前見

前

金局委員薛達

煊見

前見

前

拖局委員索鴻

先見

前見

前

拖局委員鄭伯昌見前見前

石卡委員甘霖見前見前

石卡幫辦員賀法前見前見前

五年份職員一覽表

職別姓 名籍 貫出 身

總局總理徐國彬見前見前

總局協理張雯煥見前見前

總局文牘課員韓志遂浙江山陰前清附生上海法政學校畢業

總局工程課員韓毓蔭見前見前

萬城隍防輯頭 卷下 職員銜名 八

總局收支課員王華旃見前見前

總局書記鄧振雍見前見前

總局幫辦張繼宗湖北黃陂縣師範暨江漢政專校法律科畢業

萬局局員馮德忻見前見前

萬局襄助員魯明裕見前見前

李局局員孫炳鏞見前見前

李局兼江局襄助員鄢福基見前見前

江局局員鄭伯昌見前見前

沙局局員汪廷祐見前見前

沙局襄助員莊先 選湖北江陵前清附生經心書院肄業

登局局員歐陽澤見 前見

登局襄助員胡治鎬見 前見

馬局局員宋祖燁見 前見

馬局襄助員譚俊心見 前見

郝局局員柳勛臣見 前見

郝局襄助員李濱見 前見

金局襄助員索鴻先見 前見

拖局局員袁策勛見 前見

萬城隍防輯要 卷下 職員銜名 九

拖局襄助員薛達煊見 前見

拖局襄助員王永祚續江蘇 前清監生

石卡卡員甘霖見 前見

石卡襄助員賀法前見 前見

巡緝石船委員陳英明湖北武昌前清湖北將校講習所畢業

藝文雜誌

傳曰言之無文行之不遠文亦安可忽乎哉然遊覽選勝之篇
綺麗言情之作無益於民生世俗其文固不足稱也是篇所誌
藝文多有關於大堤事實宣防有策紀險要之週知建築有碑
幸大工之告竣夏祈秋賽祀典惟昭叙事摠懷讜言丕著他如
見諸謳吟形諸酬答大都以修防事務卽境言情固非漲墨浮
烟可比列入雜誌或亦博覽旁搜之一助也

荊州江防策

鄭世炷 辨香

粵稽輿圖所紀東南爲澤國之區禹貢所書江漢有朝宗之慶

萬城隄防輯要

卷下

藝文雜誌

一

況江爲四瀆之宗在荆據上游之勢地當衝要代有治人孫叔
敖爲宣導川谷之謀國家殷富召信臣有分瀉長江之跡積水
流通晉杜預三益頻興宋汪業寸金早築元趙通爲二縣開穴
之計轉網罟爲鋤犁明賢佑成六縣築隄之功易菰蒲爲禾黍
總之三海八櫃皆厮渠溝洫之遺瀉險通漕賴勤恪廉明之吏
亶其然乎良有以也夫江當出峽之時有建旣之勢夷陵而上
山阜高而難溢嘉魚而下江面闊而順流易瀾漫者中間郡縣
受決害者多在荊州所以兩漲夏秋滔天作勢夾江南北沿岸
爲隄自松滋至城陵磯互六百餘里者南隄之蜿蜒也自當陽

至拖茅埠互七百餘里者北隄之迂廻也宛爾周垣大力能回
乎奔馬居然砥柱奇功克邁彼鑄牛此固前代以來千百年所
恃爲定策者矣然而防疏蟻穴禍慘魚池或楫竹之儲未豫備
或激箭之流不能支或當急湍之迴沙不知隄宜峻或遇奔流
之直注不知隄宜遷故屢築而難成亦一決而致患且也化蛾
眉之積雪勢欲浮天鼓颺母之狂風高將踰岸豈盡因隄防之
不固又由於穴口之未開看峽流直倒夫三蠶叢路關嗟古穴
惟存其二虎渡帆稀加之枝河淤平注壑失道欲以分水勢而
勢何由分欲以殺江流而流無由殺是以宣防徒事屢聞秋風
萬城隄防輯要

卷下

藝文雜誌

二

瓠子之歌濁浪仍驕不獨春雨桃花之漲古人於南郡設掌水
之官於西漢垂河渠之志非無見也當茲鉅任端賴奇才固兩
岸數百里之長隄乃無咫尺不堅之勢復九穴十三口之故道
乃有同條共貫之途水之橫者不使之濫水之聚者復導之通
修葺維勤共仰龔黃之作吏貫輸致富何殊鄭白之開渠庶幾
蓄洩同謀疏築並用安瀾共慶不貽旅人投壁之憂江貢頻通
無非郢客獻琛之路

沙市舒公隄記

鄭世炷 瓣香

五代倪可福宋張孝祥築荆南寸金隄自城西門至紅門路與

濱江大隄接已舉沙市全局擁護之而未以沙市名也沙市濱江大隄創始於宋鄭獬宋史河渠志云沙市據水陸之衝地本沙渚當蜀江下流每遇漲潦奔衝沙水相盪摧地動輒數十丈獬請發帑築隄自是地志始以沙市名隄突然閱顧亭林江隄考略謂沙市正古江陵地陵阜自荆門西北來二百里臨江正阨水衝南北皆有穴口殺江流趙宋前無大水患迄元以來沙市高陵半崩入江穴口復堙塞至明嘉靖十一年江決沙市之上隄而南二十一年復遭巨浸各隄防蕩殆盡夫宋史云沙渚亭林云高陵顧公得毋失考然取沙渚而高陵之安知非

萬城隄防輯要

卷下

藝文雜誌

三

有見於土隄易圯期於石隄永固因爲是遒度前功豫圖後效之辭也夫石工十倍於土共存化石之心安得黠金之術哉而沙市隄必欲復高陵之舊則尤亟岷江東於蜀放於夔而狂蕩於荆挾清江沮漳之助值江淤洲複之鄉激湍迴漩迸北趨而恣狂囓乃當以民居稠密難施夯築較上下獨形低薄之隄將來南淤壑寬夏漲驟騰猛擊北岸沙市直穴口耳奚由全巨鎮億萬生靈之命固下游數十州縣之保障乎湖北通志云當衝要處非石隄不能回水怒而障狂瀾則取沙渚而高陵之正有待於人矣乾隆戊申純廟軫念民艱發帑增築雞嘴壩黑密廠

觀音寺石磯逼溜南徙沙刷窖金萬世永賴已同治間觀察孫公復勸捐修建自米厥河至康家橋礮岸橋以下活土浮沙因難施工而止光緒丁亥長白舒公膺簡命守荆慈惠勤恪全郡百務隱蒙其福而維純廟軫念之殷繹今上簡界之旨尤重修全隄而以當衝缺陷之沙市爲急辛卯承制軍張公命增卑培薄自二郎門至九根桅五百丈已一律坦平猶慮隄外缺保護願自籌款捐廉通建礮岸不虧帑不累民爲一勞永逸計稟大府皆報可壬辰夏二百丈落成前後計費錢四萬七千餘緡與築固而勞成功大而速具見公自作沙市礮岸碑記中近聞由

萬城隄防輯要

卷下

藝文雜誌

四

九根桅而下接礮礮岸已全障沙市有餘又成二百十六丈費二萬三千緡矣士民歡忭悉呼爲舒公隄江陵鎮流之砥復見於今沙市高陵之言實徵諸古往哲有知鄭公必爲之驚愕顧公必爲之欣慰也隄屬於舒公我朝深仁厚澤與夫各大府眷注之隆羣有司勩贊之績皆得因舒公而詳考焉已同感功德因銘以昭之銘曰昔搖沙渚今峙高陵金隄石城舒公肇興澤國地變陽侯怒懲生靈奠定庶績載凝大功經始勵精運籌凝基本立平鑿工鳩簫笳鐵錮灰汁環周尾土堅密礮磚旁搜逆溜劣杵順水分收移山抵缺鞭石鎮浮林蟠水府柱砥中流碎

石沈江歲糜巨萬塊石累砌底面營建樁繫舟航階通商販蛟龍瑟縮敢出噴濤百怪盱眙卻顧東遯柱地均功補天償願示後勒碑來賢激勸千丈嵯峨數州安處士庶歡康農商歌舞大府卓薦聖皇嘉予鞏固億齡永昭來許

彙纂測勘全案記

龔寶琅耕廬

治水者順水之性而已恃堤以爲固非策之至者也然與其汜濫橫決無寧兩害取輕棄地與水就固有之堤增高培厚猶可相持於不敝荆江南北兩岸皆有堤久矣江之轉徙無常沙洲林立或南徙而北淤或北徙而南墊凡所淤墊皆江之經流或

萬城隄防輯要

卷下

藝文雜誌

五

港汊受水之區也法宜剷削刷治細民不察則藉洲牟利墾闢繕築節節進佔與水爭地而江患烈焉民國元年黃陂徐君文陔實總萬城堤事既熟察工程與夫江漲所以消漫之處則具呈鄂政府遴員會勘測其高下容積灼知灘堤之害鉅也奉飭勒石垂爲厲禁文繁石不可以盡載彙案付梓冀廣流傳俾南北居人之恃堤爲固者觸目知警用心亦綦苦矣持異議者或援國體共和灘民宜兼顧不知以十餘縣民賦與洲田相較孰重以上腴沃產與私築灘堤待成熟之士相較又孰重也故取決多數凡有阻塞江流危害此荆江大堤者去之惟恐不速遑

言兼顧乎彼細民無知不足論矣甚願明達士夫之勿逞偏私而昧大局也則茲編蓋不無裨益云

建修二郎門砌岸坦坡碑文

齊詠蘋

荆江居岷峨下游一瀉千里自枝江而下無高阜巨陂以障之此萬城大堤所以爲數縣之保障也惟自堆金埕至白合澗尙有淤洲擁護堤基其患僅在堤身沙市一帶與水逼近南岸日高江流北徙日在洪濤汕刷之中二郎門尤爲岌岌諸父老憂之屢議屢梗歲壬子黃陂徐君文陔總理堤事先後協理爲龔君耕畝索君石泉首以建修砌岸爲務特向民政府暨沙市商

萬城隄防輯要

卷下

藝文雜誌

六

會挪借鉅款以資進行徐君委曹君敬之甘君澍之稽查韓君仲良索君覺人趙君鴻鈞董其役監事者爲李君子珊賀君效先朱君麗春贊襄義務者齊詠蘋鄧振璣趙錫藩任煥章定洪鈞隗超湘李桂林向廷秀鄭德耆鄧振庠王燮寅龔寶琛鄧葵鏡梁朝柱鄭世燾熊鵬翮鄧振鳴鄒兆蘭張鑑堂等諸君於壬子冬月鳩工癸丑八月歲事凡增高砌岸一丈一尺寬四五丈不等長八十四丈斜坡二段長八十餘丈外嵌巨石中填釘保馮馮登登曾無虛日計費錢一萬七千餘串向之卑附者今則崇高矣向之危聳者今則坦厚矣夫大工大役其始患議之不

決其繼患財之不給而其弊尤患用之不實故往往沮於衆論廢於半途迄無成功今徐君能不畏難不避怨成斯大舉銷患無形是數縣之休戚皆重賴有此擔負也前清時自七里廟至拖船埠礮岸建於荆郡太守倪公豹岑稱倪公堤自劉大人巷至七里廟建於荆郡太守舒公暢亭稱舒公堤斯堤之成宜歸功徐龔索三君矣三君不有謂沐雨櫛風重趼流汗賴曹甘韓索趙李賀朱諸君之偏勞也諸君不居謂襄助監修爲紳首之合作也紳首爲地方應盡之義務仍以歸之徐君惟沙市全堤其形如帶沿堤居民鱗比不惟興作動多掣手卽利病亦難周萬城隄防輯要

卷下

藝文雜誌

七

知而七里廟一處尤爲險峻倘徐君繼續總理或後有來者能悉心研究使危者安薄者厚庶免其魚之患是則江陵父老所馨香以祝者也是爲序

建修二郎門礮岸坦坡碑文跋

徐國彬

荆江之有萬城堤爲江陵及下游數州縣之保障關繫至爲重要第河流之遷徙靡定洲灘之淤塞無常向之險者今化而爲夷向之夷者今變而爲險僅就固有之堤一律增高培厚非策之善者也治斯堤者所當權利害之重輕相水勢之緩急因時因地以制宜也民國元年予奉鄂督命總理萬城堤事熟察大

堤情形與夫江流緩急之處而知該堤之修築不可拘成見以相繩也查萬城李家埠江神廟金果寺拖茅埠五局地段堤外沙洲擁護堤脚鞏固就原有者逐漸加增高厚即可相持於不傲至沙市登南馬家寨郝穴四局外河內潭堤身極爲險要而激流洗刷堤脚空虛日以崩陔非相度地勢修築砌石坦坡與條石砌岸不足以資抵禦而策安全沙鎮爲通商巨埠堤身濱江尤爲最要二郎門一帶激湍迴旋實可驚駭前十餘年沙市紳商向郡守稟請建修砌石坦坡與條石砌岸而卒未果壬子歲予奉命來荆創設堤工總局于沙市紳商等復堅請于予以萬城隄防輯要

卷下

藝文雜誌

八

建修砌岸爲前提予以責任所在不能推諉因順大衆之請先後向民政府暨商會挪借鉅款于壬子冬月鳩工癸丑八月告成斯役也監察督率皆員紳等之勤勞而沙鎮紳商勒碑鐫石多歸功于予以是直所謂貪衆人之功以爲己有撫衷自問能勿汗顏爰綴數語誌是役之本末以爲紀念云

加修七里廟砌岸碑文

齊詠贖

民國元年黃陂徐公文陔來荆總理萬城隄工視事伊始閱視全隄審知沙市登南馬家寨郝穴四局向恃石工抵禦水勢最爲重要因分別最險次險於二三年修築沙市二郎門劉大

人巷及馬家寨柳家等處石工其餘則量年入土費薄者厚之
窪者填之卑者崇之杜漸防微以是四年地方無纖芥之患嗣
因沙市七里廟一帶隄面險薄當對岸洪水之衝前太守屢議
培修未果爰於四年春提議加修以防未然惟民居鱗次有碍
興作且繁衍衝要稱爲寸金之區不惟無地可遷並於商業民
生頗多滯碍公與協理張君海丞籌計再四協理深維大計提
議加修礮岸則民無重擾雖工費較巨要當勉爲其難因於四
年投碎石二百餘艇以固隄基再推廣礮岸三層則隄面寬綽
可維永久乃始基甫定夏漲突生輟工數月是冬始繼續興修

萬城隄防輯要

卷下

藝文雜誌

九

至五年五月凡八閱月而工竣計增礮岸長五十二丈寬二丈
餘高二丈並於臨江推出階石二處各四十八級以便商船各
負之上下共費錢一萬五千有奇里人旣慶磐石之安又樂交
通之便邀同合鎮勒石紀事問序於蘋蘋謂一隅有失全鎮固
首受其害然咫尺不堅千里爲壑下游數縣均將淹沒於魚鼈
之窟此實關數十萬生靈數千萬財產之存亡是數縣固隱受
徐公之覆載所宜買絲繡之者歌功頌德豈徒在沙市一區哉
又有嘅夫世之奉公者幸獲一差不權事之輕重惟計羅掘幾
何刻減幾何侵蝕幾何一切應爲應盡之務悉敷衍塞責甚或

巧爲鋪張欺飾上官耳目此通病也新學肇興力矯者又或負性太急任事太銳雷厲風行不可嚮邇於下民之委曲顛連曾不爲設身處地計圖兩全怨者聽之詈者聽之泣者亦聽之而顧津津自詡曰吾盡吾職也上峰弗察亦或稱之曰某能吏某幹材而不知民生之瘡痍固已鉅矣嗚乎由前之弊則失之貪玩由後之弊則失之操切至合二弊爲一人尤爲下之下者古今來良法美政不能利民而反以病民者皆奉行不善之咎也如公之急公愛民人溺已溺細心深體同好同惡者有幾人哉是則斯碑之作爲全鎮之紀念也可爲隄防之模範也可卽爲

萬城隄防輯要

卷下

藝文雜誌

十

凡爲政者之準繩亦無不可至公之操守廉潔綜覈切實余於二郎門徐公碑文言之詳矣茲不贅述執事者爲甘君澍之韓君仲良汪君承之莊君仲青賀君效先何君芝軒皆能以徐公之心爲心潔已勤公故能克蕝乃事夫徐公任諸君而用以伸諸君附徐公而名益顯德星滙萃聚於一時是誠地方之幸福矣余喜事之成欽佩徐公之績因掇述之以誌不忘且以風世云

六月六日祭江神文

黃廷樞

惟 神西川著績南紀紆尊淳蓄萬彙福佑羣生鎮茲天塹固我隄塍循源赴壑浪靜波平宣防捍衛 靈爽式憑虔修祀事

禱告維殷

祭沮漳神文

惟神流彙荆渚望重楚邦朝宗於海輸貫於江茲逢伏沈有
事宜防冀邀神貺虔薦馨香神其格思福佑江鄉長隄鞏
固黍稷豐穰

安瀾祭江神文

惟神百谷之王四瀆之尊導源岷嶺順流海濱奠安南國保
障隄陔狂瀾不作安堵無驚禮隆報賽用告秋成式昭明德
鑒此苾芬

萬城隄防輯要

卷下

藝文雜誌

十一

祭沮漳神文

惟神雙流吐納二水靈長同條共貫輸委沱江既恬驚浪遂
鞏隄防福佑林總禾稼豐穰思維神貺報以黍嘗惠我黎元
保障無疆

甲寅三屆安瀾題此聯以誌慶

鄧裕聰子奠

二百里綿亘金堤一望增高培厚伊誰之力歟僉云東海人家
作鎮中流逝水悠然赴東海

數萬緡經營砥柱幾番化險為夷民不能忘也惟盼西川神谷
奠安鄰省狂瀾從此挽西川

民國乙卯年四慶安瀾適子年五十因書此聯于江神廟以

為紀念

徐國彬

四載慶安瀾力瘁金堤差告慰荊州父老

五旬慚知命心盟白水幸不愧屋漏鬼神

工次追和倪豹岑先生磯夫曲原韻

龔耕廬原名寶琅

長江西折捍沮漳不止沱江一面當二百里中生聚託捫心何

策答宣防

吸將膏血竟年年墨吏何曾費一錢銷册造成官事了豈知落

紙盡雲煙清未郡守玩視要工貪憚為應任罕見而工於彌縫大吏反獎推之

萬城隄防輯要

卷下

藝文雜誌

十三

度支秋晚豫綢繆緩急端詳上下游最是愁心先著處頂衝急

溜浩難收

簿册倪舒略可稽兩賢差信大名齊誠求弭患機先燭不待王

尊誓塞堤

伏處江干邵一窠補直留意缺痕多熟諳故事吾能說亟遣經

營雨後磯

石磯漲沒了無驚舂鋪毫釐辨析清祇有推誠能馭物土功荒

度是平成舊立石誌驗水沒則防務吃緊然工程要在平時結實臨事張皇無益也

亂流逼處暗潮生買石量磚貼砌平莫怨江脣相嚙苦須知風

返本無情

螺洲三議澈中邊異論紛陳敢自先北弱南強形勢在試權水

利與農田

灘淤桑圩與水爭利江患益烈則私堤在所必毀願邦人平情論之

傳籤急足勝郵筒警報還增漏夜工知否綿長鞭莫及請添邏

卒更巡風

堤身坍塌之處風浪捲及堤面如拖茅一掃應特別注意

堤甲成規指管供末流樊竇一朝封法當輕變談何易他日難

招石戶宸

堤老圩甲居近害切練習堤情但私未流之弊竇得眾擎之力偏徇者妄擬裁盡非策也

萬綠參差古渡頭甘棠遺愛里人謳願從賡續勤培護蔭徧垂

楊北岸洲

倪公於堤外植楊柳能護堤根今猶存一二

萬城隄防輯要

卷下

藝文雜誌

十三

吉戊新占土旺辰無勞犀鑄慄丹宸陽侯亦慰祈年意弭節安流信有神

南岸灘淤違章興築不得已毀之

龔耕廬

豫愁鄰壑浪心驚逼處年年澤鴈聲畚鍤祇今與未艾暑寒終古怨難平三章有約言猶在兩害相權法取輕溝洫不傳神禹意有誰疏鑿問蒼生

民國三年馬局經理員胡君建周適以詩見貽因率成俚句

十二首以答之非敢言詩不過以鄙陋口占藉紀三年事

實云爾

徐國彬

荆沙任職已三年奔走長堤路幾千慚愧修防無善策素餐虛耗萬家錢

長堤一綫似垂虹百萬生靈保障中咫尺不堅千里壑全憑人力挽天工

穴口支流湮塞多險夷今昔不同科權衡緩急分輕重修築端宜砌石坡均宜修築石工以資抵禦

測勘兩岸已成書私挽洲灘獎剔除部案森嚴頒訓令江公石監永藏儲測勘全案及部准禁案均由民政府分飭各縣存查

工程險要數沙津砥柱經營兩萬縉碑誌倪舒欽不朽前清倪舒二守

萬城隄防輯要

卷下

藝文雜誌

十四

各修廟岸數百丈沙市紳商為之建碑以誌不忘論功終覺媿前人

沙灘南壅北泓深崩矧時聞碎我心最險下游登馬郝年年糜

費萬千金登南馬家寨郝穴三局堤段水泓最深日形崩矧每歲以毛碎石拋護堤脚費錢一萬數千串文

沿堤夫匠最刁頑減料偷工技素嫻三令五申仍不改而今始

信督工艱

江流漲落總關情簽遞循環上下行報道一聲潮汎發梭巡不

憚夜三更盛漲時傳遞夜簽應督同員紳生警往返梭巡通宵不遑假寐

綢繆未雨法周詳督撫輪年慎駐防前清督撫應輪年駐大堤防汛營伍堤圩

巡守密率由難復舊時章前清防汛有堤防營堤老圩甲共五百餘人改革後一律裁撤勢難規復

善後條陳為改良關心賦命重修防連番獻策皆褒答成案遵

循十二章兩次擬定改良善後辦法各八條創辦堤警簡章十
條規定大堤章程九章五十條先後共十二章均經

公署核
淮立案

辭差再囚愿難酬文電交馳競挽留自憾駑駘非遠到敢因戀

棧重貽羞

大堤三度慶安瀾酬賽江神父老歡但愿後來續辦者宣防莫

作等閑看

和胡建周七律一首

長虹綿亘大江邊億萬田廬賴保全土費催收關賦命歲修層

萬城隄防輯要

卷下

藝文雜誌

十五

累耗金錢法良爭頌倪舒志創鉅難忘戊己年供職荆沙逾兩

載總期積弊剔從前

贈水警徐藍田七律二首水警三專署二年移節荆州時彬
供職大堤同居沙鎮凡堤局修防

事務有權力所不能及者靡不借助警威而每屆出巡輒
與藍田偕行止焉過從既密切劇尤多契合之深逾於昆

仲偶綴數語用誌相
得之歡非敢言詩云

徐國彬

宦游同是駐荆沙草草勞人歲月餘字句推敲詩筆健蒹葭洄

溯畫船斜言親蘭臭逾三載誼篤棠華本一家萬里江天資勝

覽安瀾歌徹水之涯

常華恩誼勝同盟序齒年衰愧伯兄入座幸猶叨鯉對着鞭還

要戒鷄鳴須知盤錯方成器莫為懷安竟敗名九萬鵬程期遠到聲威豈止播南荆

水警徐藍田和並序

民國二年瑞移防沙市凡水警駐紮地點多係沿江大堤故修防事宜惟瑞知之最悉而訂交三載亦惟瑞與彬兄為最深承贈七律二章獎掖殷勤更加銘感謹和元韻兼呈四絕摠詞表懷尙

乞誨

徐國瑞

荆江逶迤護平沙市井殷繁極目餘玉樹亭亭資庇蔭金堤屹屹勢橫斜南洲遠派承先澤東海分支溯世家同姓同寅舊兄弟不須咫尺悵天涯

耿耿初心白水盟况教樂得有賢兄安瀾久聽郵庚報屬沈欣

萬城隄防輯要

卷下

藝文雜誌

七

無越甲鳴驥尾執鞭原素志螭頭勒石著芳名同僚且喜同宗派竊比田家一樹荆

七絕四首

徐國瑞藍田

昔年曾讀隄工志每念吾鄉鄭毅夫

宋鄭獬守荆請發帑築沙市堤城北有人

今繼起齊名不患後來無

恩波遠被三春浪宦味清餘兩袖風贏得兒童語音好舒公而

後有徐公

昔舒太守建石岸四百餘丈人德之名舒公堤今公亦建石岸二百五十餘丈洵可與舒公媲美

天從缺處功能補瀾到狂時力可回公與斯隄同不朽萬城萬

古鎮江隈

一綫長隄萬頃田沿江修築厚而堅採風喜听途人語共慶安
瀾已數年

五年三月赴萬城李家埠江神廟三分局清工途中口占七
律一首

徐國彬

風和日暖百花飛三月韶光愛夕暉繞屋青連春樹簇平疇綠
擁豆苗肥麓氓叱犢扶犁去婦女騎驢掃墓歸萬頃田廬誰保
障鄉民作息自忘機

連日狂風大作夜半雷雨交至因口占七絕一首以誌感

連朝風勢竟狂摧沙礫飛揚拂面來賴有中途雷雨作天公為

萬城隄

卷下

藝文雜誌

十七

我洗塵埃

翌日天氣晴和途中賦此

陌路無塵水不波雨餘天氣倍清和役夫努力勤工作層土經

營亟築破

懷古七律四首

由萬李江三局清工回沙途中詠此緣章華寺叔敖墓沙市荊州均在大堤之內大堤鞏

固斯名勝得以保存故有感而作

徐國彬

章華寺

巍巍廟貌闢蒿萊荆楚雄圖霸業開閣向藏經觀自在

寺內有藏經閣

佛能化劫現如來遺蹤競覓沈香井

寺東有沈香井相傳故址楚昭王夫人溺死處

空尋眺遠臺古木殘鴉寒照裏警人暮鼓不妨催

叔敖墓

數株老柏影紛披碑碣千秋楚相遺河繞陵前波蕩漾山橫道
左草迷離埋蛇陰隲慈顏慰逐鹿奇才霸業垂艷說來公重表
墓靈魂曠代有心知傳聞此墓係來鳴謙觀察重修

沙市鎮

萬家亭閣枕沙洲第一商場踞上游土堞依稀門北峙金堤保
障水東流西通巴蜀經宜郡南達衡湘接澧州輪舶往來車輻
輳文星高眺步岑樓

萬城隍防輯要

卷下

藝文雜誌

十八

荊州城

崇墉屹屹古荊州萬井提封一望收祠宇荒涼空蔓薜樓台岑
寂半松楸龍山勝蹟遊人聚城外有龍山即孟嘉落帽處虎渡關心激溜迥
對岸有虎渡口激流直射荊州世事滄桑多變幻孤忠壯繆獨千秋

五年舊曆六月六日江水盛漲感而賦此

萬里奔濤下三峽狂瀾駭日膽崩摧輿人不識隄防險戲看江
潮逐隊來

送段少滄巡按使作

少滄巡使撫鄂兩年於萬城堤最為注意彬受知亦最深故一切修防事

務得以積極進行臨歧送別倍切瞻依偶成七律二章用誌永矢弗諼之意云爾

徐國彬

福星照耀武昌臨善教覃敷愜衆心葑菲也曾資採擇彬爲隄防事送

上條陳悉蒙褒答壤流何以助高深萬家生佛歌遺愛兩袖清風返故

林知遇恩隆慚報稱詩箋一幅寫微忱

節麾卸却繫征驂送別情深千尺潭望重范韓欽砥峙澤流荆

楚頌棠甘荆堤得慶安瀾實隱受段公之庇蔭攀轂迎餞筵爭肆解組還山徑覓

蕭縣多山公于西關外建築園亭灌溉花木并于三虎山種樹數千株大有陶靖節怡懷松菊之概尊菜鱸魚

鄉味好麥秋風雨返江南

題萬城隄防輯要七律

鄧裕聰

岷江出峽注荆州衝浪影沙日夜流一髮隄防兜萬井千人邪

萬城隄防輯要

卷下

藝文雜誌

十九

許疊三收近年陪隄改二五收爲三收愈徵鞏固奠居今賴廻瀾力興堵長勞晝

箸籌老壩危磯都鞏固歡聲百里動歌謳

督修支帑溯阿公百載遷流迹不同乾隆年間阿文成公督修萬城隄距今已百餘年矣

江墊淤高隄受挫狀洄激久壑愁空多儲榷石施工巧休侈蘆

灰止水功舊蹟能因終是舩波臣卻步自徂東

版築年年預斂錢堪盟白水誓青天瀾安五度徵成蹟舊章每年霜降

酬祀江神謂之慶安瀾公總理隄工已慶安瀾五次土費羣氓定急指砥柱中流人有幾

填星作鎮語非偏舒公隄尙傳碑口東海聲名繼昔賢

提要鉤元仔細論殷殷告後數千言也同一卷河渠志且認他

年泥雪痕神赫沮漳添掌故測量坡澤證心源公曾測量江心隄址沿江二百

里田廬皆在釜底較江心低丈餘潛郎托庇安眠食快把叢編相對翻

鄭世燾

世運新開進大同江波順軌慶成功一編纂集紆籌策五載勤

勞慎始終郢里瀾安平怒蜃金堤風靜蠹長虹倪舒舊蹟因兼

剏錦軸摩挲識苦衷

脂膏剝盡縱蛟鼉百萬金錢委逝波太息遺規今蕩覆有易倉穀墊修

以充私橐者變後冊籍蕩然矣關心善政古修和淵襟默運消紛競羣策兼資

泯側頗卓識深憂勲底績萬言編訂恐蹉跎

萬城隄防輯要

卷下

藝文雜誌

二十

經綸草昧煥新型舊典旁搜祕啓局巨石嵯峨留炯鑒禁止兩岸挽築

扁舟來往辨真形測勘必親行神姦象著周王鼎荒誕圖刊伯翳經

補圖尤得樞要禦患捍苗誰繼起開函芒欲燭天青

斗室欣逢肺腑傾虛懷近挹寵如驚細流廣納中無擇前事能

師志戒盈精衛石填多易壅海船傾煤者多江身日淺賈生策善怒能平仇

十三口漚塞太丰乘時利導他年績宛委篇應取次成

吳庭溶

荆南自古重宣防千里奔濤一綫當五載束薪肝鬲碎萬民安

堵口碑揚岷江東下灘無阻砥柱中流浪不狂我輩奠居資保

障域池鞏固頌金湯

熙載得人原匪易大川莫定莫爭功古歎誰設陳蕃榻臣味饒
留張翰風六法官箴廉報最千秋美德儉能崇治堤指點垂楊
岸不減先賢治績豐

陶冶一爐良鐵別似君重器火純青大江東去流波澤善道南
來見典型江漢炳靈才蔚起邯鄲學步我曾經洛陽鐵工泥塗
况瘁躬嘗遍勒作他年治水銘

雖黃局外究何如治戒多言總不虛柱石經營分緩急里閭恩
怨聽乘除編成地理廣隋志著到河渠仿漢書條縷分明金鑑

萬城隄防輯要

卷

卷

三

在後先同發有德有

題萬城隍防輯要七古

張雯煥

長江蜿蜒二百里縣民所居盡釜底頰有隄防一面當不然吾
其爲魚矣閭閻歲歲糜金錢括盡脂膏不計年假使胥吏不中
飽築之高可齊山巔前清修隄責郡守嚴刑峻法隨其後除却
倪舒二公外懸任均不理人口任內忙把負租催任滿却將挾
資走吾民有冤莫能伸祇得疚心而疾首徐公捧檄來宣防儘
把隄工大改良五載經營始至此險阻艱難實備嘗當其工程
始着手萬彙紛紜頗掣肘先生不擾又不屈作事不肯絲毫苟
苦心孤詣告成功一洗前清多年誦從此金隄萬萬年屹立天

萬城隍防輯要

卷下

藝文雜誌

三二

長與地久吁嗟乎屹立天長與地久先生之名永不朽

書萬城隄防輯要後

龔耕廬

在昔郡伯尸荆隄處脂不潤賢者稀僚吏侵牟皆怙威雖有弊
竇無由稽隄則日瘦官斯肥一朝改革崇民依選賢爲長餘爲
司不啻一堂相友師二百里間日奔馳規度形勢察險夷緩急
一一勞措施若網在綱栝赴機土工石工辨厥微不使廩給剋
毫釐收分乃得窮奸欺又以其暇富諏諮不蔽於己撓於私經
費有程孰主之儲俟冬工懲虛糜萬目睽睽責有歸計數不贏
亦不虧大本旣立安能隳此皆專制之世所難爲豈惟吾隄奠
扁基著之簡編爲世規鐵案如山誓不移誰其始者徐黃陂我

萬城隄防輯要

卷下

藝文雜誌

三

勸後來陳此詩

參訂姓氏

應山徐國瑞藍田

監利龔寶琅耕廬

江陵鄧裕聰子彝

江陵張雯煥海岑

蕭山韓毓蔭仲良

長沙甘霖湖之

浙江韓志遂荷蓀

江陵鄧振雍橋門

萬城隄防輯要

卷下

